

Mofa - Agape ðèlèwèr Zhiklè - God's Love Letter Scriptures

Jean 15:9 Lèmèlèmè ara Bab ga a woy iyè a ndav na, i ba i woy kinè a ndav ga.

Vanza te mwoy-ndoga!

Esaïe 43:1,2 - Ephésiens 2:10 Aman nga skwi ri na, n'nga'a te Yèsu Kristi, aman nga gi mizlinè man amba, man Zhiklè a ntila nshèlèkura'a, a woya a nga gia'a.

Jérémie 1:5 - Galates 1:15 Aman Zhiklè a hur amba, nenga'a man a woykayè man i t'hwað mam ga dai, aman a babayè te pombi na,

Jean 15:16 Kinè n'ngatskayè auda ka bai. Aman i par kinè, a i ge kinè, aman nyi nshèffè kinè da zhè, a nyi nshèffè kinè a nzi dai, a skwi ko mèmè kin jhèðè te ri Bab ga a nzlembað ga, a da va kinè.

3 Jean 1:2 Gajus ga, ndav ga a woya, aman te skwi tèlèba ka nzi amba, amba, skwa da dza ka bai, a ndav ngaya da nza amba.

Esaïe 43:4 - 1 Pierre 2:9,10 Kinè verzi ndohi man Zhiklè a baba kinè, ndohi mvi skwi a Zhiklè, Bi mbia'a; kinè ndohi hala'a, ndohi man a kwor ta. Kinè skwi nsléberdè nenga'a, man a baba kinè auda te ruva a sam nhèl sam nenga'a mbela'a. 10 Hala'a kinè ndohi Zhiklè ka bai; aman antanta kinè ndohi Zhiklè. Hala'a kin sia te va azbai; aman antanta kin sia te va ma.

Jérémie 31:3 - Ephésiens 1:4 Aman te Yèsu, a mpar nga mpèrè, man herkeda n'ngedi bai, aman ngagi a ndohi nkezla'a, mali nga azbai a sam di na, te mwoy-ndo nenga'a,

2 Timothée 1:9 Zhiklè, nenga'a a m'mbel nga, a mbaba nga, a géð skwi man nga gu ka bai, aman a géð man a hur te ndav na, a géð pombi man a va nga te Yèsu Kristi, man herkeda n'nge di bai.

Jean 3:16 Gar haha Zhiklè a woy herkeda a ndav na, a mva ta kra nenga'a, kra nenga'a staðgenè, aman ko wawa man a nco nenga'a a ndav na, a zi azbai, a n'ngotso nshèffè a mèðèp.

Osée 11:8; Esaïe 49:15,16; & Esaïe 41:13,14

Luc 12:32 Kin gu zlau bai, kinè rèwè nkèshèa; aman Zhiklè a woya a va kinè kokwar Bi nenga'a.

Matthieu 28:20 Vasenda ta, aman ta gi skwi tèlèba man i fa kinè a gèð. Na haha, i zhè a sam kinè pèc pècèk, a pats a vað, ha herkeda a ndiv na.

Jean 14:1 Kin gu zlau te ndav kinè bai'. Voco Zhiklè a ndav kinè, vaciyè a ndav kinè ba!

Psaume 23:1 - Jean 10:11 I ndo mber skwi man amba. Ndo mber skwi man amba a vi nshèffè na a géð tambakhi na.

Psaume 23:2 - Apocalypse 7:17 aman kra tambak te ndev sam n'nzi bai a da war ta, a de ta a sam nlèlè a iyam nshèffè, a Zhiklè a da saha ta kuða auda a dai.

Psaume 23:3,4 - Luc 1:79 aman a hela ta sam a ndohai, man ta te ruva, man ta te mèzhèb m'metsai, a da pa nga sak a civèð gumai.

Psaume 23:5,6 - 2 Corinthiens 1:10 man a mbel nga te m'metsi mbia'a arsa, a di a

mbel nga za'a. Nga huro, a di a pats ngidè ba, a da mbelka nga auda.

Philippiens 4:7 A gumi Bi Zhiklè man a fena maya te gèd nga tèlèba, da bür ndav kinè, a nhér gèd kinè te Yèsu Kristi!

Proverbes 3:24 & Psaume 4:8 - Jean 14:27 I jèka kinè gumi ga. Gumi ga i va kinè.
I va kinè, ara man herkeda a va kinè ka bai. Kin gu zlau te ndav kinè bai, kin gudzu bai!

Psaume 33:18 - 1 Pierre 3:12 Aman di Bi Zhiklè a zhè a gèd ndohi nzura'a, a fi zlembad a ntsi ri teng'a. Aman a sassaya di na a sam ndohi man ta gi skwi man ambabai.

Romains 5:2 Te Yèsu, a ncè-a-ndav, nga ngots civèd pombi haha. Ngawuffokoya, a nga zhèr n'njèl Zhiklè te ndav, man a di a shkè, man Zhiklè a da va nga.

Esaïe 55:12 - Luc 19:40 A nenga'a a m'mbeda ta a ma: A vava, i gaða kinè, man agassa tengahi ta nze tètè, ar kwahi ta hèzlèwè, a ta gèdè a wuðai.

Jean 16:22 Kinè ba, antanta kin lèyè te ndav kinè. Aman nga da ngècè va za'a, a ndav kinè a da wuffè, ndo ngidè a da cè mwuffè auda te ndav kinè azbai.

Luc 12:9 Aman ko wawa man a gi ara man a senyè bai a sam ndohai, Kra-ndo a da gi ara man a sun nenga'a bai a sam golahi Zhiklè.

Matthieu 10:30 Ko gwots gèd kinè n'ngra'a tèlèba.

Esaïe 54:10 - Matthieu 24:35 Giðfèk a herkeda ta da ndiv ta. Aman ma ga a da ndiv azbai.

Matthieu 11:28-30 Vowashkè a sam ga, kin tèlèba man ntulè a keð kinè, man skwi mwuðitpa a ga kinè, a i da va kinè nshèk va. 29 Vakelawda wof nte da'ai ga a da'ai kinè, vaslebau a sam ga! Aman iyè, i ndo man ndav lübekwa'a, a i manda gèd ga a hi a sam tèlèba; a ndav kinè a ngècè nshèk va. 30 Aman wof nte da'ai ga, wuði a te pa bai; a skwi ga man kin zhüba'a, a nzala kinè azbai.

Salomon 2:10 & Osée 2:14,19,20

2 Corinthiens 11:2 Aman i gi srak a géð kinè a srak Zhiklè; i woya kiné a ntsim stadgenè, Kristi; ara medemai man nsossur bai.

Exode 3:14 - Hébreux 13:8 Yèsu Kristi lèmèlèmè ara maðatsa, a patsna, a mèdèp.

Osée 13:4 - Actes 4:12 Skwi m'mbel ndo te ndo ngidè azbai, t'hwað giðfèk nzlembad ngidè azbai, man ta vi a ndohai, aman nga mbel nga.

Jean 15:14 Kinè mandalahi ga, aman kin gi skwi tèlèba man i gaða kinè.

Jean 14:6 A Yèsu a ngaða na: Iyè civèd, a ma nzura'a, a nshèffè; ndo ngidè a shkè a sam Bab ga azbai, sèi a bezkað a iyè.

Apocalypse 3:20 Na haha iyè a ntamagai, a ì bèhè. Ndo man a tsena da'ai ga, a da winay ntamagai, i dè a pa a sam nenga'a, a nga da ndi skwi a nda nenga'a, a nenga'a 'à nda iyè.